

實氏聯珠集

實氏集未有卷以仿陸子起一  
此陳傲君持贈祥徑之本

景宋抄何義山先生校後有

黃堯翁跋曾藏未盡階

五硯塵又歸陳簡莊均有兵

雲民  
集  
珠  
連  
珠



唐書列傳



竇羣字丹列京兆金城人父舛向以詩自名  
代宗時位左拾遺羣兄弟皆擢進士第獨群  
以處士客隱毘陵母卒齧一指置棺中廬墓  
次終喪從廬庇傳啖助春秋學著書數十篇  
蘓州刺史韋夏卿薦之朝并表其書報聞不  
召後夏卿入為京兆尹復言之德宗擢為左  
拾遺時張薦持節使吐蕃乃遷羣侍御史為  
薦判官入見帝曰陛下即位二十季始自州

茅擢臣為拾遺何其難也呂二十年難進之  
臣為和蕃判官一何易帝壯其言不遣王琳  
文黨盛雅不喜羣羣亦悻悻不肯附欲逐之  
韋執誼不可乃止羣往見琳文曰事有不可  
知者琳文曰奈何曰公季李實伐恩恃權震  
赫中外君此時逡巡路傍江南一吏耳今君  
又處實之勢豈不思路傍復有如君者乎琳  
文悚然亦卒不用憲宗立轉膳部員外郎兼  
侍御史知雜事出為唐州刺史節度使于頔

聞其名與語奇之表呂自副武元衡李吉甫  
皆所厚善故召拜吏部郎中元衡輔政薦羣  
代為中丞引呂溫羊士諤為御史吉甫以二  
人躁險持不下羣忤狼反怨吉甫吉甫且節  
度淮南羣謂失恩因擠之陳登者善術夜過  
吉甫家羣即捕登掠考上言吉甫陰事憲宗  
面覆登得其情大怒將誅羣吉甫為救解乃  
免出為湖南觀察使改黔中會水壞城郭調  
谿洞羣蠻築作因是羣蠻亂貶開州刺史稍

遷容管經略使召還卒于行年五十五贈左散騎常侍羣狼自用果於復怨始召將大任之衆皆懼及聞其歿乃安兄常牟弟庠鞏皆為郎工詞章為聯珠集行於時義取昆弟若五星然常字中行大歷中及進士第不肯調客廣陵多所論著隱居二十年鎮州王武俊聞其才奏辟不應杜佑鎮淮南署為參謀歷朗夔江撫四州刺史國子祭酒致仕卒贈越州都督牟字昭周累佐節度府晚從昭義盧

從史從史寢驕牟度不可諫即移疾歸東都從史敗不臣覺微避去自賢位國子司業庠字胄卿終婺州刺史鞏字友封雅裕有名於時平居与人言若不出口世號囁嚅翁元稹節度武昌奏鞏自副卒

竇氏聯珠集目

竇常有序



晚次方山精舍却寄張薦員外

和裴端公樞蕪城秋夕簡遠近親知

謁諸葛武侯廟

奉賀太保岐公承恩致政

四皓祠堂即事

項亭懷古

奉使函還早發小礪館寄盧滁州邁

之任武陵寒食日途次松滋渡先寄劉

員外禹錫

奉贈竇大員外兄松滋渡見寄之作

劉禹錫

奉送職方崔員外攝中丞新羅冊使

早發金鉤店寄奚十唐大二茂材

途中立春寄懷楊郇伯

七夕寄懷

故祕監丹陽郡公延陵包公挽歌詞

涼國惠康公主挽歌

哭張倉曹南史

過宋氏五女舊宅居

奉寄辰州房使君郎中

酬竇大閒居見寄

房孺復

北固晚眺

謁三閭廟

竇牟

有序

史館候別蔣拾遺不遇

早赴臨臺立馬待漏口號寄弟羣

天津曉望因寄呈分司一二省郎

竇洛陽見簡篇章偶贈絕句楊憑

奉酬楊侍郎十兄見贈之作

早入朝書事

秋夕閒居對雨贈別盧七侍御坦

杏園渡

元日喜聞大禮寄上翰林四學士中書

六舍人二十韻

緱氏拜陵迴道中呈李舍人少君

陪韓院長韋河南同尋劉師不遇

同前韓愈

同前韋執中

奉誠園聞笛園馬侍中故宅

李舍人少尹惠家醞一小榼立書絕句

答竇二轉長留酒還榼一絕李益

送東光呂少府之官連帥奏授

送劉公達判官赴天德軍幕

故祕監丹陽郡公延陵卮公挽歌



晚過敷水驛却寄華州使院張鄭二侍  
御

洛下閒居夜晴觀雪寄四遠諸兄弟

奉酬侍郎家兄東洛閒居夜靜觀雪  
之什庠

奉使至刑州贈李八使君

秋日洛陽官舍寄上水部家兄

酬舍弟牟秋日洛陽官舍寄懷十韻常  
望終南

酬舍弟庠罷舉從州辟書

竇羣 有序

題劍

黔中書事

初入諫司喜家室至

艸堂夜坐

冬日曉思寄楊二十七鍊師

貞元末東院嘗接事今鹵川武相公于

茲三周謬領中憲褒徊廳宇多獲文

篇夏日即事因繼四韻

晨興贈友寄呈竇開州

武元衡

奉答鹵川武相公晨興贈友見示之作

竇三中丞去歲有臺中五言四韻之

什未及酬答承領鎮黔南途經蜀

門百里而近願言款覲封畧間之

因追酬曩篇持以為贈

武元衡

雪中寓直

同前 韋貫之

春雨

東山月下懷友人

贈劉大兄院長

奉酬竇三中丞見贈

劉伯翁

經潼關贈宇文十

送內第袁德師

觀畫鶴

北地

時興

雨後月下寄懷羊二十七資州

晚自臺中歸永寧里南望山色悵然有

懷呈上右司十一兄

假上尋花

中年縣經魯公廟

竇庠有序

太原送穆贄南遊

四皓驛聽琴送王師簡遶湖南使幕

夜行古戰場

竇五判官罷舉赴商州辟書袖文相

訪書懷話舊因抒鄙辭

韋渠牟

酬謝韋卿二十五兄俯贈輒敢書情

段都尉別業

靈臺鎮贈丘岑中丞

奉和王侍郎春日喜李侍郎崔給練張

舍人韋諫議見訪因命觴觀樂之什

勅日至家兄蒙淮南僕射杜公奏授祕

校兼節度參謀同書寄上

贈衛芬上人

金山寺

酬韓愈侍郎登岳樓見贈

陽

冬日寓懷奉寄翰林王補闕

醉中贈符載

東都嘉亮亭詩

留守府酬皇甫曙侍御彈琴之什

龍門看花

金山行

于闐鐘歌

有序

陪留守僕射巡內至上陽宮感興二首

竇鞏

有序

老將吟

贈蕭都官

江陵遇元九李六二侍御紀事書情呈

十二韻

酬竇七相贈依次重用本韻

元稹

忝職武昌初至夏口書事獻府主相公

戲酬副使中丞見示四韻元稹

微之見寄與竇七酬唱之什本韻外

勇加兩韻白居易

竇七中丞見示初至夏口獻元戎詩

輒戲和之裴度

鄂州使至竇七副使中丞見示與元

相公獻酬之什鄙人任戶部尚書

時中丞是當司員外郎每示篇章多

相唱和今因四韻以寄所懷令狐楚

早秋江行

題任處士幽居

南遊感興

放魚

漢陰驛與宇文十相遇旋歸鹵川固臣

贈別

早春松江野望

陝府賓堂覽房杜二公仁壽年中題紀

手迹

登玉鈞亭奉獻淮南李相公

早春送宇文十翹吳

少婦詞

歲晚喜遠兄弟至書情

南陽道中作

哭呂衡州八郎中

贈阿史那都尉

經竇車騎故城

遊仙詞

竇氏聯珠集

從采彫本鈔

聯珠之義蓋取一家之言借列郎署法

五星如聯珠星三郎也詩凡一百首

故園子祭酒致仕贈太子少保府君詩并傳

府君諱常字中行扶風平陵人也祖亶同

昌郡司馬贈水部郎中皇帝朝考本向仕至左

拾遺贈尚書右僕射當代宗皇帝朝善五

言詩名冠流輩時屬貞懿皇后山陵上注

意哀挽卽時進三章內考首出傳諸人口

者有禮遜生肖貴息追歿後榮又命婦羞  
蘋葉都人插柎花又禁兵環素帟宮女哭  
寒雲備在文集故刑部侍郎包佶製序府  
君同氣五人各載首序府君大厯十四季  
舉進士与故吏部侍郎奚陟商州牧丁俛  
祕校獨孤授同年上第迨拾遺下世力養  
繼親家無舊產百口漂寓由是棄高科於  
盛時就泉府之小職遭迴者十年厥後載  
罹家禍因卜居廣陵之柎楊鹵偏疏泉種

竹隱凡著書者又十載由擢第至釋褐凡  
二十年洎貞元十四年秋成德軍節度使  
太尉王公命從事御史盧泚貺五百金辟  
為掌記不就其年淮南節度左僕射霸陵  
杜公奏為叅謀授祕書省校書郎厥後厯  
泉府從事由協律郎遷監察御史裏行居  
無何湘東倅戎轉殿中侍御史賜緋奩袋  
元和六年由侍御史入為水部員外郎亦  
既二歲婚嫁未畢求牧守之官出為朗州

刺史轉固陵尋陽臨川三郡既罷秩東歸  
舊業時宰嘉招固辭衰疾因除國子祭酒  
致仕寶曆元年秋寢疾告終于廣陵之白  
沙別業享年七十七其季詔贈越州都督  
會昌元年武宗即位恩覃中外嗣子弘餘  
任黃州刺史准赦改贈太子少保有文一  
十八卷鹵江逸民褚藏言製序

晚次方山精舍却寄張薦員外

楚臘還無雪江春又足風馬羸三迳外人病

四愁中西塞波濤濶南朝寺舍空猶銜步兵  
酒宿醉在滁東

和裴端公樞蕪城秋夕簡遠近親知

歲積登朝戀秋加陋巷貧宿醒因夜歇佳句  
得愁新盡日憑幽几何時上軟輪漢廷風憲  
在應念匪躬人

謁諸葛武侯廟

永安宮外有祠堂魚水恩深祚不長角立一  
方初退舍擬稱三漢更圖王人同過隙無留



影石在窮沙尚啟行歸蜀降吳竟何事為陵  
為谷共蒼

奉賀太保岐公承恩致政

召公為保及清時冠蓋初閑拜武遲五色詔  
中宣九德百寮班外置三師山泉遂性休稱  
疾子弟能官各受詞不學鑄金思范蠡乞言  
猶許上丹墀

四皓祠堂即事

奪嫡心萌事可憂四賢齒笑暫安劉後王不

敢論珪組土偶人前枳樹秋

項亭懷古

力取誠多難天亡路亦窮有心裁帳下無面  
到江東命厄留驢處年銷逐鹿中漢家神器  
在須廢拔山功

奉使鹵還早發小礪館寄盧滁州邁

野棠花覆地山館夜來陰馬跡穿雲去雞聲  
出澗深清風時偃艸久早或為霖試与惇嫠  
話猶堅借寇心

之任武陵寒食日途次松滋渡先寄

劉員外禹錫

杏花榆莢曉風前雲際離  
上峽船江轉數程淹驛騎  
楚曾三戶少人煙看春又  
過清明節筭老重經癸巳  
年幸得枉山當郡舍在朝  
長詠卜居篇

奉贈竇大員外兄松滋渡見寄之作

朗州員外司馬劉禹錫

楚鄉寒食橘花時野渡臨風駐綵旗  
艸色連

雲人去住水紋如縠蕩參差朱輪尚憶群飛  
雉青綬初懸左顧龜非是湓城負司馬水暫  
何事与新詩

奉送職方崔員外攝中丞新羅冊使

帝命海東使人行天一涯辨方知木德開國  
有金家冊拜申恩重留驩作限賒順風鯨浪  
熟初日斜錦帆斜夜色潛燃火秋期獨往槎  
慰安皆喻旨忠信自無瑕髮美童年鬢參香  
子月花便隨琛賚入正朔在中華

早發金鈎店寄奚十唐大二茂才  
出門山未曙風葉暗蕭蕭  
月影臨荒柵泉聲  
近廢橋歲經秋後役程在洛中遙寄謝金門  
侶弓旌悞見招

途中立春寄懷楊郇伯

浪點終年客驚心此地春風前獨去馬澤畔  
耦耕人老大交情重悲涼物外親子雲今在  
宅應見柳條新

七夕寄懷

露盤花水望三星鬢鬕虛無為降靈斜漢沒  
時人不寐幾條蛛網下風庭

故祕監丹陽郡公延陵包公挽歌詞

卓絕明時第孤貞貴後貧  
郗詵為曹子季札  
是鄉人筆下調金石花間領搢紳  
邴堪躋葬日哭渡柳楊津

涼國惠康公主挽歌

玉立分堯緒筭年下相門  
早加于氏對偏占館陶恩  
淚有潛成血香無却返魂  
共知何駙

馬垂白抱天孫

哭張倉暫南史

萬事竟蹉跎重泉恨若何官臨環衛小身逐  
轉蓬多麗藻嘗專席閑情欲爛柯春風宛陵  
路丹旒在滄波

過宋氏五女舊居

宋氏女娣五人  
貞元中同入宮

謝庭風韻婕妤才天縱斯文去不迴一宅柳  
花今侶雪鄉人擬築望仙臺

奉寄辰州房使君郎中

漢代文明今盛明猶將賈傳暫專城何妨容  
旨先符竹莫是除書誤姓名蝸舍喜時春夢  
去隼旗行處瘴江清新年只可三十二却笑  
潘郎白髮生

酬竇大閑居見寄

辰州刺史房孺復

來自三湘到五谿青楓無樹不猿嗥名慙竹  
使宦情少路隔桃源歸思迷鵬鳥賦成知性  
命鯉魚書至恨睽攜煩君強著潘年比騎省

風流詎可齊

北固晚眺

水圍芒種後梅天風雨涼露螢開晚簇江鷺  
繞危檣山趾北來固潮頭鹵去長年：此登  
眺人事幾銷亡

謁三閭廟

君非三諫寤禮許一身逃自樹終天戚何裨  
事主勞衆負應餌骨多士盡舖糟有客枿漿  
奠文衰不繼騷

說文簇行  
雙聲

杏山館聽子規

楚塞餘春聽漸稀斷猿今夕讓雷衣雲埋老  
樹空山裏鬢鬚千毅一度飛

故國子監司業贈給事中扶風竇府君詩

府君諱牟字昭周家世所傳載於首序府

君貞元二年舉進士由從父弟故相贈司

徒易直故相贈少師李公簡夷故兵部侍

郎張公賈故工部侍郎張公正甫同年上

第府君初授祕校東都畱守從事歷河陽

三城從事累轉協律郎評事監察御史裏行

府罷復為畱守判官轉殿中侍御史尋為

昭義節度判官累遷檢校水部員外轉本

司郎中兼御史賜緋魚袋後為留守判官  
檢校尚書都官郎中出為澤州刺史改國  
子司業長慶三年春寢疾告終于宣平里  
之私第享年七十四嗣子周餘任祕書丞  
今上卽位恩覃內外准赦文大中四季贈  
給事中府君和粹積中文華發外唯琴與  
酒克儉于家時人以為有崑古風韻世為  
五言詩加以筆述文集十卷未暇編錄

史館候別蔣拾遺不遇

千門萬戶迷佇立月華鹵盡戟晨光動春松  
宿露低主文親玉宸通籍入金闈肯念從戎  
去風沙事鼓鞞

早赴銀臺立馬待漏口號寄中丞舍

弟羣

上陌行初盡嚴城立未開人疑早朝去客是  
遠方來伏奏徒將命周行自引才可憐霄漢  
曙鴛鴦正裴徊

天津曉望因寄呈分司一二省郎

萬乘鹵都去千門正位虛鑿龍橫碧落提象  
出華胥望幸宮嬪老迎春海鷺初保釐纔半  
仗容衛盡空廬要自詞難擬由來盡不如散  
郎無所屬聊事穆清居

竇洛陽見簡篇章偶贈絕句

恭王傳楊憑

直用天才衆却瞋應欺李杜久為塵南荒不  
死中華老別玉翻同鹵國人

奉酬楊侍郎十兄見贈之作

翠羽雕蟲日、新翰林工部欲何神自悲由  
瑟無彈處今作關鹵門下人

早入朝書事

紫陌紛如畫彤廷鬱未晨列星沉騎火殘月  
暗車塵隱軋排霄翰差池跨海鱗玉敝鯨似  
樂香澤散成春歎息驅羸馬分明識故人一  
生三不遇今作老郎身

秋夕閑居對雨贈別盧七侍御坦

燕、辭巢蟬蛻枝窳居積雨壞藩籬夜長簷



雷無寢日晏厨烟濕未炊悟主一言那可學  
從軍五首竟徒為故人驄馬朝天使洛下秋  
聲恐要知

杏園渡

衛郊多壘少人家南渡天寒日又斜君子素  
風悲已矣杏園無復一枝花

元日喜聞大禮寄上翰林四學士中

書六舍人

二十韻

有事郊壇畢無私日月臨歲華春更早天瑞

雪猶深玉輦迴時令金門降德音翰飛駕別  
侶藁植桂為林粉澤資鴻筆薰和本素琴禮  
成戎器下恩徹鬼方沉麟覈來稱紀官師退  
絕箴道風黃閣靜祥景紫垣陰壽酒朝時獻  
農書直夜尋國香燭翠幄庭燎艷紅衾漢魏  
文章盛堯湯雨露湛密辭投水石精義出砂  
金宸宸親唯敬鈞衡近匪侵疾驅千里駿清  
庚九霄禽慶賜迎新服齋莊棄舊簪忽思班  
女怨遙聽越人吟末路甘貧病流年苦滯淫

夢中青瑣闥歸處碧山岑竊抃聞韶護觀光  
想靺任大哉環海晏不竿子牟心

綏氏拜陵迴道中呈李舍人少尹

忽忝諸卿位仍倍長者車禮容皆若舊名籍  
自憑虛上路花偏早空山雲甚餘却愁新詠  
羨酬和不相如

陪韓院長韋河南同尋劉師不遇

仙客誠難訪吾人豈易同獨遊應駐景相顧  
且吟風藥畹瓊枝秀齋軒粉壁空不題三五

字何以達壺公

同前得尋

都官員外郎韓愈

秦客何年駐仙源此地深還隨躡蹻騎未訪  
馭風襟院閉青霞入松高鶴尋猶疑隱形坐  
散起竊桃心

同前得師

河南縣令韋執中

早尚逍遙境常懷汗漫期星郎同訪道羽客

杳何之物外求仙侶人間失我師不知柯爛者何處看圍碁

奉誠園聞笛 園馬侍中故宅

曾絕珠纓吐錦茵欲披荒艸訪遺塵秋風忽灑鹵園淚滿目山陽笛裏人

李舍人少尹惠家醞一小榼立書絕

句

禁鎖天漿嫩虞行夜月寒一瓢邨可醉應遣試嘗看

答竇二轉長留酒還榼一絕

河南少尹李益

榼酒非由榼星郎是酒星解醒元有數不用嚇劉伶

送東光呂少府之官 連帥奏授

遠愛東光縣平臨若木津一城先見日百里早驚春德禮邀才重恩輝拜命新幾時裁尺素滄海有枯鱗

送劉公達判官赴天德軍幕

特建青油幕量分紫禁師自然知召子不用  
問從誰文武輕事少腥膻左衽衰北風如有寄  
盡取受降時軍有東西受降城

故秘監丹陽郡公延陵包公挽歌

台鼎嘗虛位夔龍莫致堯德音冥秘府風韻  
散清朝天上文星落林端玉樹凋有吳君子  
墓返葬故山遙

晚過敷水驛却寄華州使院張鄭二

侍御

春雨如煙又若絲曉來昏處晚晴時仙人掌  
上芙蓉沼柱史關西松柏祠幾許歲華銷道  
路無窮王事繫戎師迴瞻二妙非吾侶日對  
三峯自有期

洛下閑居夜晴觀雪寄四遠諸兄弟  
雪月相輝雲四開終風助凍不揚埃萬重瓊  
樹宮中接一直銀河天上来荆楚歲時知染  
翰湘吳醇酎憶銜杯強題鱣素無顏色鴻雁  
南飛早晚迴

奉酬侍御家兄東洛閑居夜晴觀雪  
之什

試國子主簿庠

洛陽宮觀與天齊  
雪淨雲銷月未昏  
清淺乍分銀漢近  
輝光漸覺玉繩低  
綠醪乍熟堪聊酌  
黃竹篇成好命題  
應念武關山斷處  
空愁簿領候晨雞

奉使至邢州贈李八使君

獨占龍岡部  
深持虎節居  
盡心敷吏術  
含笑

掩兵書禮飾華纓  
重才牽雅製餘茂陰延驛  
路溫液逗官渠  
南畝行春罷西樓待客初  
甕頭開綠蟻  
砧下落紅魚  
牧伯風流足  
輜軒苦澁虛今宵鈴閣內  
醉舞復何如

秋日洛陽官舍寄上水部家兄

洛陽歸老日  
此縣忽為君  
白髮兄仍見  
丹誠帝豈聞  
九衢橫逝水  
二室散浮雲  
屈指豪家盡傷心  
要地分禁中  
周幾鼎原上漢  
諸墳貌帛今無半  
狐狸宿有群  
威毅慙北部  
仁化樂

南薰野藥飢來食天香靜處焚壯年唯喜酒  
幼學便訶文及爾空衰暮離憂詎可云

酬舍弟牟秋日洛陽官舍寄懷十韻

尚書水部員外郎常

幼為逃難者纔省用兵初去國三苗外全生  
四絕餘老頭親帝里趨處失吾廬逝水猶鳴  
咽祥雲自卷舒正郎曾首拜亞尹未平除幾  
變陶家柳空傳魏闕書思凌天際鶴言甚輟  
中魚玉立知求已金轂乍起予在朝魚水分

多病雪霜居忽報陽春曲縱橫恨不如

望終南

日愛南山好時逢夏景殘白雲兼侶雪清晝  
乍生寒九陌峯如墜千門翠可圍欲知形勝  
盡都在紫宸看

酬舍弟庠罷舉從州辟書

之荆且願依劉表折桂終慙見郗詵舍弟未  
應絲作鬢園公不用印隨身

故朝議郎御史中丞容管經畧使賜紫金魚  
袋贈左散騎常侍扶風竇府君詩

府君諱羣字丹列家世所傳載於首序府  
君由弱冠不樂進士之科便於著書耕墾  
墳籍既孤以蔬素自適著書於毗陵之鹵  
偏給長兄之俸而與諸季安於膝下者十  
稔洎再罹內艱殆盡而復全者數四厥後  
郡守給事中京兆韋公夏卿知公以為江  
左文雅無出其右適貞元十年詔徵天下

隱居邱園不求文達之士韋公遂薦焉由  
桂山處士劉明素同表公之言云受天清  
氣占道逍遙時人以為孔北海拔禰衡之  
文未之過也其時天下慰薦九人公獨不  
除授其後韋公移牧吳郡又以公所著史  
記名臣疏三十四卷進入皆寢而不報人  
皆異之公自以為通塞繫于命靜而候之  
厥後韋公入為天官侍郎改京兆尹中謝  
之日德宗占之緒言韋進曰臣忝居達官

而竊有其位上曰卿有何負奏曰臣守毘  
陵日薦處士竇群於時獨蒙不錄後臣在  
蘓州又進竇群所著名臣疏又蒙不答臣  
以為以人而廢在臣則當然言群則屈上  
乃驚曰卿之知人固無疑卒不問者乃宰  
執之失也便宣即令召對此貞元十八年  
也公即日起于衡泌白衣召見上謂公曰  
夏卿知卿、有何蘊蓄得以盡言公從容  
對曰臣無蘊蓄第讀書俟時夫蘊蓄者迹

宰執之稱唐  
人已存



在近班進有所不納諫有所不聽臣即蘊蓄如臣處於艸茅但仰玄化而已實無蘊蓄上甚竒其對便宣令付中書即除諫官釋褐授右拾遺居無何祕監張公薦和蕃請公為判官因改侍御史俄其後有故不行請復本列上不許遂守侍御史俄兼領雜務德宗晏駕改膳部員外郎出為唐州刺史司空于公鎮漢南奏公為節度副使檢校兵部郎中兼中丞加金紫居無何除

吏部郎中遷御史中丞以舉職太過出為黔中觀察使後以十洞擾亂准詔用兵翦伐事平公坐貶開州刺史亦既周歲除容管經畧使憲宗以公守官無隱息欲大用因急詔追入中路遘疾終於衡州旅館享年五十五贈左散騎常侍公有子曰謙餘審餘偕孝敬相率審餘應進士公天授和粹亮直孤峻著書俟用隱於衡泌未嘗以名利枉其所守時論以公有公輔之望卒

無所伸文集散落未暇編錄

題劔

丈夫得寶劔東髮曾書紳吁嗟一朝遇願言  
千載隣心許留冢樹辭直斷逆臣焉能為繞  
指拂拭謝時人

黔中書事

萬事非京國千山擁麗譙佩刀看日曬賜馬  
傍江調言語多重譯壺觴每獨謠  
泂流如著翅不敢問歸橈

初入諫司喜家室至

一旦悲懽見益光十年辛苦伴滄浪不知筆  
硯緣封事猶問傭書日幾行

艸堂夜坐

匣中三尺劔天上少微星勿謂相去遠壯心  
曾不停

冬日曉思寄楊二十七諫卿

雨霜地如雪松桂青參差鶴警晨光上步出  
南軒時所遇各有適我懷亦自怡願言緘素

封昨夜夢瓊枝

貞元末東院嘗接事今鹵川武相公

于茲三周謬領中憲裴伯廳宇多

獲文篇夏日即事因繼四韻

重軒深似谷列柏鎮含烟境絕蒼蠅到風生  
白雪前彈冠驚迹近專席感息偏霄漢朝來  
下油幢路幾千

晨興贈友寄呈竇開州

西川節度使檢校吏部尚書兼門下

同中書門下平章事武元衡

江城歲方晏晨起眇庭柯白露傷紅葉清飈  
斷綠蘿徇時真氣索念遠幽懷多宿昔東山  
意縱橫南浦波有美婣娟子百慮攢雙蛾絨  
情鬱不舒絲竹自駢羅為予歌苦寒白酒朱  
顏醜鬢髮倏云變功名將奈何

奉酬鹵川武相公晨興贈友見示之

作

碧樹分曉色宿羽弄清光猶聞子規啼獨念

一聲長眷。軫芳思、依。寄遠方情同如蘭。  
真惠比返魂香新什驚變雅古瑟代沉湘殷  
勤見知己揜抑繞中腸隙駟不我待路人易  
相忘孤老空許國幽報期蒼。

竇三中丞去歲有臺中五言四韻之  
什未及酬荅承領言鎮黔南途經蜀門  
百里而近願言款覲封略間之因追  
酬曩篇持以為贈

劍南西川節度使檢校吏部尚書兼門下

侍郎同平章事武元衡

在昔謬司憲嘗僚唯有君報恩如皎日致位  
等青雲削橐書難見除苛事早聞雙旌不可  
駐風雲路岐分

雪中寓直

寒光凝雪彩限直居粉闥恍疑白雲上乍覺  
金甲非樹色靄虛室琴聲諧素徽明晨阻通  
籍獸卧挂朝衣

同前

吏部員外郎韋貫之

耿耿風雪暮直廬未拚扉詠蘭幽助興儷玉  
策相輝氣勁琴韻切夜深鑪火微雖殊江海  
遠即此戀彤闈

春雨

昨日偷閑看花了今朝多雨奈人何人間盡  
似逢花雨莫愛芳菲濕綺羅

東山月下懷友人

東山多喬木月午始蒼蒼雖殊碧海狀愛此

青苔光高下滅華燭參差啓洞房佳人夢餘  
思寶瑟愁應商皎潔殊未已沈吟限一方宦  
情哂雞口世路倦羊腸彼美金石分眷言蘭  
桂芳清暉詎同夕耿耿但相望

贈劉大兄院長

萬年枝下昔同趨三事行中半已無路自長  
沙忽相見共驚雙鬢別來殊

奉酬竇三中丞見贈

金州員外司馬劉伯翁

多幸嘗陪侍玉墀俄驚負譴阻天涯今日相逢問榮悴更嗟年鬢颯然衰

經潼關贈宇文十

古有弓旌禮今徵州澤臣方同白衣見不是棄縑人

送內弟袁德師

南渡登舟即水仙鹵垣有客思悠然因君相問為官意不賣毗陵負郭田

觀畫鶴

華亭不相識衛國復誰知悵望冲天羽甘心任畫師

北地

何事到容州臨池照白頭興隨年已往愁与水長流僂俛思逋客辛勤悔飯牛詩人亦何意樹州欲忘憂

時興

夙心曠何許日暮依林薄流水不待人孤雲時映鶴濛濛千萬花昌為神仙藥不遇爛柯

史報非舊城郭

雨後月夜寄懷羊二十七資州

夕霽涼飈至脩然心賞豁清光松上月虛白  
郡中齋置酒平生在開衿願見乖殷勤寄雙  
鯉夢想入君懷

晚自臺中歸永寧里南望山色悵然

有懷呈上右司十一兄

白髮侵生有涯青襟曾愛紫河車自憐悟  
主難歸去馬上看山恐到家

假日看花

武陵緣源不可到河陽帶縣詎堪誇枝如  
雪南關外一日休閑盡屬花

中年縣經魯公廟

嘗脩名臣畧  
繫司徒公

青史編名在篋中故林遺廟揖仁風還將文  
字如顏色暫下蒲車為魯公

故朝議郎婺州刺史上柱國扶風竇府君詩  
府君諱庠字曹卿家世所傳載于首序府  
君初應進士感於知己一言遂事於商洛  
授國子主簿未幾而罷後吏部侍郎韓公  
出鎮武昌黎移鎮京口美公之才辟為節  
度推官以監察御史俄而昌黎移鎮京口  
用為度支副使改殿中侍御史昌黎却入  
公至輦下遷漳州刺史秩滿時光祿卿范  
公由吳郡領宛陵奏公試太子中允兼侍



御史為團練副使加章服府罷除奉天縣  
令遷登州刺史昌黎公留守東都又奏授  
公為汝州防禦判官改檢校戶部員外郎  
兼侍御史後遷信州刺史三載轉婺州六  
既二載遭疾告終於東陽之官舍享年六  
十有二公天授倜儻氣在物表一言而合  
期於歲寒為五字詩頗得其妙嗣子匡餘  
疾沒世次曰繇晉州司法次曰載國子監  
直講皆克荷素風聿脩官業詩筆<sub>散</sub>落編

錄未遑

太原送穆贄南遊

今朝天景清秋入晉陽城露葉離披處風蟬  
三數聲那言苦行役值此遠徂征莫話心中  
事相看氣不平

四皓驛聽琴送王師簡歸湖南使幕

朱絃韻正調清夜侶聞韶山館月猶在松枝  
雪未消城笳三奏曉別鶴一聲遙明日思君  
處春泉翻寂寥

夜行古戰場

山斷塞初平人言古戰庭  
泉冰聲更咽陰火  
燄偏青月落雲沙黑  
風迴艸木腥不知秦  
與漢徒欲弔英靈

竇五判官罷舉赴商州辟書袖文相  
訪書懷話舊因杼鄙辭

太府卿賜紫金魚袋韋渠牟

故舊相逢三兩家  
愛君兄弟有聲華  
文揮錦綵珠垂露  
興逸江天綺散霞  
美玉自矜頻獻

璞真金誰與細披沙  
終須撰取新詩品  
更比芙蓉出水花

酬謝韋卿二十五兄俯贈輒設書情  
大賢持贈一明璫  
蓬華初驚滿室光  
埋沒劍中生紫氣  
塵埃瑟上動清商  
荆山璞在終應識  
楚國人知不是狂  
莫恨伏轅身未老  
會將筋力是王良

段都尉別業

曾識將軍段匹碑  
幾場花下醉如泥  
春來欲

問林園主桃李無言鳥自啼

靈臺鎮贈丘岑中丞

曉日天山雪半晴紅旗遙識漢家營  
近來胡騎休南牧羊馬城邊春艸生

奉和王侍郎春日喜李侍郎崔給事

張舍人韋諫議見訪因命觴觀樂  
之什

華館遲嘉賓逢迎泚景新錦筵開絳帳玉珮  
下朱輪曲裏三仙會風前百轉春欲知忘味

霞笑仰在齊人

勅日至家兄蒙淮南僕射杜公奏授

祕校兼節度叅謀同書寄上

朝市三千里園廬二十春步兵終日飲原憲  
四時貧桂樹留人久蓬山入夢新鶴書承霞  
重鵲語喜時頻艸奏才偏委嘉謀事最親榻  
因徐孺解醴為穆生陳衛國今多士荊州好  
寄身烟霄定從此非假問陶均

贈道勞上人

上人善畫  
松石

雲濕煙封不可窺  
畫時唯有鬼神知  
幾迴逢著天台客  
認得崑崙最老枝

### 金山寺

一點青螺碧浪中  
全依水府與天通  
晴江萬里雲飛盡  
鰲背參差日氣紅

酬韓愈侍郎登岳陽樓見贈

時子權知岳州事

巨浸連空濶危樓在杳冥  
稍分巴子國欲近老人星  
昏旦呈新候川源按舊經  
地國封七澤天限鎖重局  
萬象皆歸掌三光豈遁形  
月

源韓集作原

車絕碾浪日御已翻溟  
落照金成柱餘霞翠

霞韓集作霜

擁屏夜光疑漢曲寒韻辨湘靈  
山晚雲常碧

湖春艸徧青軒黃曾舉樂范蠡  
幾揚舫有客

初畱鷁貪程尚數莫自當徐孺  
榻不是謝公

亭雅論冰生水雄材刃蒺藜座  
中瓊玉潤名

亭韓集作庭

下苴蘭馨假守誠知拙齋心匪  
整寧每慙公

府粟却憶故山苓苦調當三歎  
知音願一聽

當韓集作常

自悲由也瑟敢墜孔悝銘野杏  
初成雪松醪

正滿瓶莫辭今日醉長恨古人醒

冬夜寓懷奉寄翰林王補闕

滿地霜蕪葉下枝幾迴唵斷四愁詩漢家若  
欲論封禪須及相如未病時

醉中贈符載

白社會中嘗共醉青雲路上未相逢時人莫  
小池中水淺處無妨有卧龍

東都嘉量亭詩 獻留守韓僕射

卜築三川上儀刑萬井中度材垂後儉選勝  
揜肯功雲構中央起煙波四面通乍疑游汗

漫稍似入崆峒塵閉高低盡山河表裏窮峰  
巒從地碧宮觀倚天紅靈檻如朝蜃飛橋狀  
晚虹曙霞晴錯花落日靄溼葱蘢庾亮樓何  
阮陳蕃榻更崇有時閑講德永日靜觀風玉  
笋飛無算金鏡奏未終重筵開玳瑁上客集  
鴈鴻接武空慙蹇脩文設竝雄豈須登峴首  
然後奉羊公

留守府酬皇甫曙侍御彈琴之什

青瑣晝無塵碧梧陰侶水高張朱絲絃靜舉

白玉指洞簫又奏絲寒磬一聲起鶴警風露  
中泉飛雪雲裏冷、分雅鄭析、諧宮徵座  
客無俗心巢禽亦傾耳衛國知有人齊芋偶  
相齒有時趨絳紗盡日隨朱履那令雜鯨手  
出假求焦尾幾載遺正音今朝自君始

龍門看花

無葉無枝不見空連天撲地逕纔通山鷺驚  
起酒醒處火燄燒人雪噴空

金山行

潤州金山寺在江中

鹵江中濡波四截湧出一峯青埽堞外如削  
成中缺裂陽氣簇生陰氣結是時炎天五六月  
上有火雲下冰雪夜色晨光相蕩沃積翠  
流霞滿坑谷龍泓徹底沙布金鳥道插雲梯  
甃玉架險凌虛隨指顧榱桷玲瓏皆固護幹  
流倒景不可窺萬仞千崖生跬步日華曛  
上金榜丹楹碧砌真珠網此時天海風浪清  
吳楚萬家皆在掌瓊樓菌閣紛明媚曲檻迴  
軒深且遠海鳥夜上珊瑚枝江花曉落琉璃

地有時倒影沉江底萬象分明光侶洗不知  
水上有樓臺却就波中看啓閉舟人忘却江  
水深水神誤到人間世歛然風生波出沒灌  
瀉晶瑩無定物居人相顧非人間如到日宮  
經窟信知靈境長有靈住者不得無仙骨三  
神山上蓬萊宮徒有丹青人未逢何如此處  
靈山宅清涼不與囂塵隔曾到金山處行  
夢魂長羨金山客

于闐鐘歌

送靈徹上人歸越

靈嘉寺鐘按越中記此鐘本于闐國  
寺鐘因風雨失鐘所在有天竺僧  
過于闐識此鐘于越靈嘉寺至今  
鎖在寺樓

海中有國傾神功烹金化成九乳鐘精氣激  
射殷冲融護持海底諸魚龍聲有感神無方  
連天雲水無津梁不知飛在靈嘉寺一國之  
人皆若狂東南之美天下傳瓌文萬狀無雕  
鐫有靈飛動不設懸鎖在危樓五百季有時

清秋日正中  
繚霜滿地天無風  
一聲洞徹八音盡  
萬籟悄然星漢空  
徒言凡質千鈞重  
一夫之力能振動  
大鳴小鳴須在君  
不擊不考終不聞  
高僧訪古稽山曲  
終日當之言不足  
手提文鋒百鍊成  
恐刺此鐘無一毅

陪留守僕射巡內至上陽宮感興

翠輦西趨七十春  
玉堂珠綴儼埃塵  
空皇弓劍埋何處  
泣問上陽宮裏人  
愁雲漠漠艸離離  
太液鈎陳處  
疑薄暮毀

垣春雨裡殘花猶簇萬年枝



故武昌軍節度副使朝散大夫檢校祕書監  
兼御史中丞扶風竇府君詩

府君諱翠字爰封家世所傳載於首序府  
君元和二年舉進士與今東都留守左僕  
射孫公簡故吏部侍郎興元節度使王公  
源中中書舍人崔公咸制誥李公正封同  
年上第府君世傳五言詩頗得其妙故相  
淮陽公鎮滑臺辟為從事釋褐授祕校淮  
陽移鎮渚宮遷峴首改協律郎二府專掌

奏記淮陽下世司空薛公平鎮青社辟公  
為掌書記又改節度判官副使累遷至大  
理評事監察御史裏行殿中侍御史檢校  
祠部員外郎章服後薛公入為民謫府君  
除侍御史轉司勳員外郎遷刑部郎中文  
昌故事文酒之為由公復振也故相左轄  
元公出鎮夏口固請公副戎公實舊交詞  
不能免遂除祕書少監兼中丞加金紫無  
何元公下世公亦北歸道途遭疾迨至輦

詞疑辭

下告終于崇德里之私第享年六十三有  
子六人長曰景餘疾沒世次歸裕見任晉  
陽令俱力學脩文孝敬相率公溫仁華茂  
風韻峭逸遇境必言詩言之必破的佳句  
不泯傳於人間文集散落未暇編錄

### 老將吟

烽煙猶未盡年鬢暗相催輕敵心空在彎弓  
手不開馬依秋艸病柳傍故營摧唯有酬恩  
客時聽說劍來

贈蕭都官

蕭郎自小賢愛客不言錢有酒輕寒夜無愁  
倚少年閑尋織錦字醉上看花舡好是關身  
事從人道性偏

江陵遇元九李六二侍御紀事書情

呈十二韻

自見人相愛如君愛我稀好閑容問道攻短  
每言非夢想何曾間追歡未省違看花憐後  
到避酒許先歸柳寺春堤遠津橋曙月微漁

翁隨去處禪客共因依蓬閣初疑義霜臺晚  
畏威學深通古字心直觸危機肯滯荊州掾  
猶香栢署衣山連巫峽秀田傍渚宮肥美玉  
方齊價遷鶯尚怯飛佇看霄漢上連步侍彤  
闈

酬竇七相贈依次重用本韻

江陵府士暫叅軍元稹

風波千里別書信二年稀乍見悲兼喜猶言  
是与非身名判作夢梧盞莫相違艸館同牀

宿沙頭待月歸春深鄉路遠老去宦情微魏  
闕何由到荊州且共依人欺翻省事官冷易  
藏威刺擬馴鷗鳥無因用弩機看和松葉酒  
閑施稻田衣蓴菜銀絲嬾鱸魚雪片肥憐君  
詩侶涌贈我筆如飛會遣諸伶唱篇、入禁  
闈

忝職武昌初至夏口書事獻府主相

公

白髮放橐鞬梁王舊愛全竹籬江畔宅梅雨

病中天時奉登樓燕閑脩上水船邑人興訪

易莫遣鶴詩錢

戲酬副使中丞見示四韻

武昌軍節度使檢校戶部尚書元稹

莫恨暫橐鞬交游幾箇全眼明相見日拂病  
欲秋天五馬虛盈櫪雙蛾浪滿船可憐俱老  
大無處用閑錢

微之見寄與竇七酬唱之什本韻外

勇加兩韻

邑人律韻作時  
人鶴下作猜  
字殆從一模糊  
之本傳寫而誤  
當為請字墨莊  
漫錄引曾彦和  
云唐幕僚謂之  
鶴料

河南尹白居易

旌鉞從橐鞬賓寮情禮全  
鼉龍來要地鴛鷺  
下寥天赭汗騎驕馬青  
娥舞醉仙合音閣成江  
上作散到洛中傳窮巷  
能無酒貧池亦有船  
春裝秋未寄漫道足閑錢

竇七中丞見示初至夏口獻元戎詩  
輒戲和之

山南東道節度使檢校司徒兼侍  
中晉國公裴度

出佐青油幕來吟白雪篇  
須為九臯鶴莫上  
五湖船故態君應在新聲  
我亦僂聞鄂州初教成謳者甚工  
元侯看再入好被暫留連

鄂州使至竇七副使中丞見示與元  
相公獻酬之什鄙人任戶部尚書時  
中丞是當司員外郎每示篇章多相  
唱和今因四韻以寄所懷

吏部尚書令狐楚

仙吏秦城別新詩鄂渚來才推今八米職副

舊三台雕鏤心偏許絨封手自開何年相贈  
答却得在中臺

早秋江行

迴望溘城遠  
鹵風吹荻花  
暮潮江勢濶  
秋雨雁行斜  
多醉渾無夢  
頻愁欲到家  
漸驚雲樹轉  
數點是晨鷗

題任處士幽居

紅葉江邨夕  
孤煙艸舍貧  
水清魚識釣  
林靜犬隨人  
採掇山無主  
扶持藥有神  
客來唯勸

酒蝴蝶是前身

南遊感興

傷心欲問前朝事  
唯見江流去不迴  
日暮東風春艸綠  
鷓鴣飛上越王臺

放魚

金錢贖得見刀痕  
聞道禽魚亦感恩  
好去長江千萬里  
不須辛苦上龍門

漢陰驛與宇文十相遇  
旋歸鹵川固以贈別

吳蜀何季別相逢漢水頭望鄉心莫醉握手  
淚先流宿霧千山曉春霖一夜愁離情方浩  
蕩莫說去刀州

早春松江野望

江邨風霽曉望忽驚春畊地人來早營巢鵲  
語頻帶花移樹小插槿作籬新何事勝無事  
窮通任此身

陝府賓堂覽房杜二公仁壽年中題

紀手迹

仁壽元和二百季濛籠水墨淡如煙當時憔悴  
題名日漢祖龍潛未上天

登玉鈞亭奉獻淮南李相公

鹵南城上高處望月分明似玉鈞朱檻入  
雲看鳥滅綠楊如薺遠江流定知有客嫌陳  
榻從此無人上庾樓今日捲簾天氣好不勞  
騎馬看揚州

早春送宇文十歸吳

春遲不省似今年二月無花雪滿天邨店閉

門何處宿夜深遙喚渡江船

少婦詞

坐惜年光變遼陽信未通  
夔迷新畫屋春識  
舊花禁夢繞天山外  
愁翻錦字中  
昨來誰是  
伴鸚鵡在簾櫳

歲晚喜遠兄弟至書情

幾年滄海別相見意多違  
鬢髮緣愁白音為  
書為嬾稀新詩徒有贈  
故國未同歸人事那  
堪問無言是與非

南陽道中作

東風雨洗順陽川  
蜀錦花開綠艸田  
彩雉鬪時頻駐馬  
酒旗翻處六留錢  
新晴日照山頭  
雪薄暮人爭渡口  
船早晚到家  
春欲盡今年  
寒食月初圓

哭呂衡州八郎中

今朝血淚問蒼天  
不分先悲旅館  
喪人送劍  
來歸隴上雁  
飛書去叫衡陽  
還家路遠  
兒童  
小埋玉泉深  
晝夜長  
盡望素車  
秋艸外欲將



身贖返魂香

贈阿史那都尉

按獵燕山經幾春  
雕弓白羽不離身  
年來馬上渾無力  
望見飛鴻指似人

經竇車騎故城

荒陂古堞欲千年  
名振圖書劍在泉  
今日諸孫拜墳樹  
愧無文字續燕然

遊仙詞

海上神山綠溪邊  
杏樹紅不知何處去  
月照

玉樓空

竇氏聯珠集

翠囁嚅詩一何神  
妙恨此少不見其集  
聯珠之竅也戊戌歲中  
元前一日夷門旅舍  
書 潛夫

夜吟竇集追思夷門題處已三稔矣淒  
然感興書之

往歲記時梁苑夜今宵吟處洛城秋浮生  
瞥電人何在懷舊傷心淚迸流三徑竹風  
隣笛怨一庭霜月井桐愁妻兒未會余惆  
悵只怪燈前不舉頭

自鞏而下皆 大天所題慕而錄之

甲子歲春初中儀李公偕此書抄寫得無  
何 祕監尹公借去云已失墜不復相還

余嘗讀此集寤寐思之至夏末忽投書於  
致政大天果蒙見借所恨自少閑暇令  
扎吏抄錄故多謬誤躬親勘校頗亦改正  
因得吟味喜不自勝刑部員外郎兼太常  
博士和 河 記

時乾德二年六月廿五日雨霽

嶧 讀過

余家所藏和峴所校五竇詩世少其本和  
所跋甲子歲即乾德二年也祕監尹公者

致政大天者吏部尚書致仕張昭也昭字潛夫題鞏詩後一篇稱潛夫者即昭也刑部外郎兼太常博士和者峴也後有題峴讀過者峴季弟也惟中儀李公當是時為禮部侍郎而李姓者偶忘其為何人遠方無書可攷姑俟知者今刊諸公府庶永其傳淳熙五年四月旦日朝散大夫權知蘄州軍州事北海王崧書

淳熙五年復為  
戊戌去潛夫題  
此書二百四十年  
矣

錄汲古閣刊本跋

竇林向五子曰常曰牟曰羣曰庠曰鞏西江褚藏言輯其詩各有小叙大畧已見矣但常牟庠鞏皆登第羣獨夷然不屑客隱于毘陵至如齧指置母棺中及對德宗數語又五人中傑出者宜唐史獨著其傳而兄弟附焉第其父叔向詩不可多得據宋洪容齋云五竇之父叔向善五言詩而畧無一首存于今荆公百家詩選亦無之是

可惜也余嘗得吳良嗣家所抄唐詩僅有  
卅向六篇皆竒作念其不傳于世今悉錄  
之夏夜宿表兄話舊云夜合花開香滿庭  
夜深雨微醉初醒遠書珍重何時達舊事  
淒涼不可聽去日兒童皆長大昔年親及  
半凋零明朝又是孤舟別愁見河橋酒幔  
青秋砧送色大夫云斷續長門夜清冷送  
旅秋征夫應待信寒女不勝愁帶月飛城  
上因風散陌頭離居偏入聽况復送歸舟

春日早朝應制云紫殿俯千官春從應合  
歡御爐香燭暖馳道玉聲寒乳鷺翻珠綴  
祥鳥集露盤宮花一萬樹不敢舉頭看過  
檐湖石云曉簇魚門代晴看檐石湖日會  
高浪出浪天入四空無咫尺分洲島纖毫  
指舳艫渺然從此去誰念客帆孤正懿挽  
歌二首云二陵恭婦道六寢盛皇情禮遜  
生前貴恩追歿後榮幼王親捧土愛女復  
連瑩東望長如在誰云向玉京後庭攀畫

柳陌上咽青笳命婦羞蘋葉都人插柰花  
壽宮星月異仙路往來賒縱有迎神術終  
悲隔絳紗第三篇亡矣又据宋計敏夫云  
竇沐向字遺直京兆人代宗時常袞為相  
用為左拾遺內供奉及貶亦出為溧水令  
有寒食賜火詩云恩光及小臣華燭忽驚  
春電影隨中使星輝拂路人幸因榆柳暎  
一照草茅貧端午日恩賜百索云仙宮長  
命縷端午降殊私事盛蛟龍見恩深犬馬

知餘生倘可續終莫答明時酬李袁州嘉  
祐云少年輕會復輕離老大關心總是悲  
強說前程聊自慰未知攜手定何時公才  
屈指登黃閣匪服胡顏上赤墀想到長安  
誦佳句滿朝誰不念瓊枝自宋迄今歷幾  
百年余所見沐向詩反多于容齋始信詩  
文顯晦故自有時匪關歲月之先後久暫  
也又得躡屨翁絕句六首代鄰叟云年來  
七十罷畊桑就暖支羸強下床滿眼兒孫

身外事閒梳白髮對殘陽永寧小園寄接  
近較書云故里心期奈別何手栽芳樹憶  
庭柯東臯黍熟君應醉梨葉初紅白露多  
寄南遊弟兄云書來未報幾時還知在三  
湖五額間獨立衡門秋水濶寒霞飛去日  
銜山新營別墅寄兄云懶性如今成野人  
行藏由興不由身莫驚此度歸來晚買得  
山居正值春自京將赴黔南云風雨荊州  
二月天問人初崖峽中船西南一望雲和

水猶道黔南有四千宮人斜云離宮遠路  
北原斜生死思深不到家雲雨今歸何處  
去黃鸝飛上野棠花余向讀白樂天與微  
之書極稱竇七與元八絕句可見同時早  
有定論矣嘗手錄一編併唐書列傳附于  
集後寄手集後友人云向謂竇氏聯珠今  
可謂竇氏合璧否海虞毛晉識



竇氏聯珠集宋存藏余家此鈔  
印後者末錄毛跋此書潛以增  
也宋存竇常集末多杏山館聽  
玉規一首毛初亦無想而概本脫  
葉中有魁筆校勘以義行手  
筆余所藏有一舊鈔六脫是  
首如知世一所以存除宋本外皆  
近真之本矣

海也。嗟事。臣之。所。願。所。在。皆。早。也。  
歸。以。臣。受。也。一。海。臣。受。也。一。海。  
海。臣。受。也。一。海。臣。受。也。一。海。  
海。臣。受。也。一。海。臣。受。也。一。海。  
海。臣。受。也。一。海。臣。受。也。一。海。  
海。臣。受。也。一。海。臣。受。也。一。海。  
海。臣。受。也。一。海。臣。受。也。一。海。  
海。臣。受。也。一。海。臣。受。也。一。海。  
海。臣。受。也。一。海。臣。受。也。一。海。  
海。臣。受。也。一。海。臣。受。也。一。海。

